



D. O. M.  
POSITIONES ANATOMICÆ  
ET  
CHIRURGICÆ.



U<sup>Æ</sup> genitalium organorum fabrica, structura; Anatomiâ duce, oculis patet: illa cui subdita functioni, omnibus notum; hominis procreationem incipiunt, perficiunt. In aurâ seminali, vel in ovo statuenda certè fœtus primordia: num in hoc potius quàm in illâ, aut in utroque? meritò dubium insurgit. Hinc quid sit generatio, quomodo fiat, enodare fatearis arduum: opus generationis, naturæ mysterium, sensibus abditum.

IN pelvi, quæ latior in fœminis, vesicam & rectum interjacet

musculus cavus, elasticus, vascularis, pro solito triangularis, pirā depressi figuram æmulans, ligamenti quatuor, latis nimium & teretibus detentus; hic uterus audit: unicus à naturā, quem bipartitum aut duplicem quandoque exposuit cadaverum dissectio (a); aut mirum itaque tunc super fœtatione recedisse (b). Tenui membrana, necnon villosā intus obtegitur uterus, innumeris vasorum osculis, foraminum instar, in fundo pertusā: verum in collo, vaginæ continuā, multis rutilantibus lacunis ornatā.

IN duabus peritonæi duplicaturis, seu vespertilionum alis (c), circa uteri fundum latitant corpora oblonga, innumeris vesiculis, humore albo viscido repletis, conflata; à veteribus testes, à recentioribus vulgò ovaria nuncupantur, quibus laxè annectuntur tubæ fallopianæ, conicæ, vermiformes, laciniis instructæ, fibris contractilibus firmatæ; transversimque ab ovariis ad uterum fixæ; cujus in angulis supernis hiant obliquè. Quid magis præstent ligamenta teretia in gravidis, ex illorum situ, fabriquā liquet (d).

INTERNAS per generationi dicatas alligat, velat extensile peritonæum, egregiè reduplicatum; vasā, has irrorantia, sustinet, tegit. Plexus diversos, reticulares constituunt uteri vasā, multa, infinitè divisa, anastomosibus ubique unita, mirificè intorta: ex his & nervis copiosissimis harum-ce partium cum pluribus aliis deducendus consensus: indè Physiologicæ & Pathologicæ veniunt animadversiones.

SANGUINIS & spirituum affluxū turgens, validus, æstuans coëuntis mulieris uterus ovum maturius ab ovariis, peculiari motu convulsivo blandè subsilientibus, divulsū, per rigescentem tubam vectum, recipit, detinet, usque dū missili semine, magnā vi ad uterum immisso, perfusum illud, fœcundetur, animetur: dein strictis & corrugatis ejus fibris, uterus clauditur, vivificatum ovum intimè amplectitur & ab externis sedulò defendit.

(a) Vid. Regneri de Graaff Tract. novus de mulierum Organis, Cap. VIII. De Utero. M. Didier 2<sup>us</sup>, in Regiæ Chirurg. Acad. cxtū uterum duplicem exposuit: similem M. Suë 2<sup>us</sup>, in Regiā Scienti. Acad.

(b) De superfœt. conf. thes. Argentorati propug. an. 1738. & fig.

(c) D. Winsl. Exp. Anatom. Traité du bas-ventre §. 602. 3: 4.

(d) Vid. Regneri de Graaff idem Tract. Cap. X. deligam. Uteri.

3

**F**œcundatum in utero (a), imò obtumens ovum, undique teniter pressum, ejus membranarum ope inhæret ubique: at magis intimè fundo, his mediantibus fibris & vasis, quibus ovario infigebatur: undè pars illa vascularis, binarum ovi membranarum exteriori intertexta, hepar uterinum nempè, seu placenta.

**J**am puncto saliente se prodit Embryon, humore limpidio innatans; jam succorum beneficio imperpicuè expanduntur fibrillæ, membra evolvuntur, organa compaginantur, firmantur; tùm fœtus est, cujus sunt singulis diebus incrementa. Quòd excrementum in utero non deponat fœtus; quòd per funem umbilicalem tantùm assumat alimentum; haud stupeas, non respirat enim: aliæ sunt insuper in eo ac in adulto circulationis viæ.

**R**ATIONE quidem, sed imprimis tactû graviditatis signa expromenda: ad rationalia attentè gestantis consideretur status: vix concepit mulier solitæ purgationes irretiuntur, vel cessant; turgent mammæ, lactescunt; obtumet uterus, extenditur; viscera premuntur, functiones turbantur; novi hospitis pondere molestè ligamenta trahuntur; undè corporis torpor, lumborum gravitas, inguinum dolor, nausea, malacia, vomitus, ptyalismus creber, odontalgia pertinax, &c. Hæc autem symptomata, aut saltem plurima impregnationem concomitantur. Ad tactum potiùs, tertium versùs gestationis mensem, ut ad solum & pathognomonicum signum confugas (b).

**C**ui lucem elargitura mulier prægnans, huic non consciscat necem: matris enim & fœtûs vasa non alienos vehunt liquores, matri & fœtui, placentalæ ope, communis vita; utrique nùm communis malorum cohors? reverà extinctâ matre, mox interiturus est infans; hunc etiam mortuum, non sine vitæ discrimine, ut plurimùm, abigit illa. Tota igitur gestantis cura sit, ut immaturus non præcipitetur partus. Infantis legitimus incarcerationis terminus in nono statuendus mense: an verò septimestres fœtus octimestribus magis vitales sint? Absolutè denegandum; hi enim rarò, ferè nunquam illi socios vivunt: hinc quæ-

(a) Hermanni Boerhaavii Institut. Med. de Conceptû. §. 673. 674.

(b) Confer Franc. Mauriceau de mulierum prægnant. partur. puerper. morbis Tract. Lib. I. Cap. VI. Delamotte: Traité des Accouchemens Liv. I. Chap. XI. Deventer nov. Jun. obst. Cap. XV.

que exclusio foetus nono anterior mense abortus merito pronuntianda.

IN NUMERAS dicunt abortionis causas, quid mirum, si tot undique gravidas circumstent pericula: convulsiones tamen causas & hæmorrhagiæ, ut abortus frequentiores, etiamque urgentiores censemus: idè tusses ferinæ, equitatio, vectatio, saltus, ictus, lapsus, &c. Succutiendo placentam, præmaturum suscitabunt partum; nec non & quidquid uteri fibras lacerare, ejus spasmodum suscitare valebit; vehementes animi affectus; impii plethora, cruoris profluvium incompefcibile ciendo,

PRIMIS gestationis mensibus cur plus timendum, plus arcedendum sit periculi ex abortione? Cur ultimis exitiale magis sanguinis profluvium? Per dies quàm plurimos, imò hebdomadas coercitus cruor, cur fufius, si rursùm erumpat? Elegantes docet M. celeberrimus Puzos (a). convulsio, hæmorrhagia immodica, si partu soletter peracto non compescantur, ut plurimum lethales.

IMMINENTEM abortum semper præfagit hæmorrhagia: idoneo situ, venarum sectione hæc sistitur quandoque; quod irritum foret, si renum doloribus, si pondere novo in pudendis vexetur gravida, si pulsus crebrior, febriculosus, si per nimiam dilatatum os uteri conglobatim sanguis exeat: astringentibus, volatilibus qui tùm plus æquo consideret, delusus, matri & foetui necem inferret; ex immodico enim sanguinis profluvio languent vires, deficiunt; instant animi deliquia, syncope, spasmi, convulsiones; præceps subsequitur mors: non cunctandum itaque, in morâ periculum, in partu verò per methodum M. Puzos certa salus (b); tùm illicò promovendus partus.

CRESCENS foetus carceris mœnia sensim ac sensim perpetuò amovet, extendit: nunc perfectis organis, satque firmato partium elatere, maturus infans, coarctatus quidem in ergastulo, difficilius gestatur: nunc ad rupturam semè distensus uterus (c) ampliari

(a) Vid. Acta Regia Chirurg. pag. 358. & sequentia. *Mémoire sur les Pertes de Sang dans la Grossesse*. Par M. Puzos.

(b) Item pag. 369. *Manière d'Accoucher la plus sûre dans les Pertes de Sang.*

(c) Moriceau, Traicté de mul. partur. quærp. morbo: & descripti part. genit. mul. Cap. IV. de Utero.

5

nequit, ulteriora denegans : fœtus exitum ergo per vaginam modò properabit ipse : unde partus , naturalis vel contra naturam dicendus.

A conceptû ad partum non diversus est fœtus in utero situs ; qui rectus vel pravus distinguitur : rectus infantis situs naturalem illius disponit exitum , solius naturæ conatu , quandoque arte juvante , peracturum : idcirco facilis , difficilis-ve partus naturalis.

QUAMQUAM sit diversa partûs naturalis prognosis , illius tamen una diagnosi: vomitus , tenesmus , nîsus versùs inferiora repetiti , pulsus frequens , ardescens facies , oculi corruscantes , operosa respiratio proximum partum denotant : urgentem , totius corporis tremor , alii aliis dolores magis repentini , humor incoctus , cruentus per vaginam effluens , os uteri tandem ad manûs volam dilatatum.

IN fœtû secundinisque educendis sat superque valet natura : facilis sanè tum intelligatur partus : hæc incohat namque opus , dirigit & sola perficit ; dubitas? Parturii perpende mechanismum : ex piriformi globosus uterus , continuo pressus nequaquam extenditur , patitur & torus contrahitur , ejus præsertim fundus , musculo ruyfchiano firmatus , corrugatus , quem auxiliantur abdominales musculi & diaphragma : magis ac magis emollicum os uteri : impellentibus aquis explicatum , gradatim dehiscit , aperitur : sensim & dilatatur vagina ; jam ruptis membranis fluunt aquæ ; hinc crebriores fiunt impetus ; satis nunc patent ostia , & protrusus pertinaciter fœtus modò nasciturus est. Ad partum facilem vix confert ars obstetricaria : nam , infante in lucem edito , funem , præmissis ligaturis , rescicare , secundinasque , ut plurimùm solutas , tantùm allicere est obstetricis.

IN partû difficili , fœtû & utero rectè sitis , plurima haud rarò occurrunt debellanda : remissiores v: g: dolores ; membranarum crassities ; callosum os uteri ; angustia pelvis ; ædemate vel ecchymosi si valdè obtumeant pudenda ; hydropicus fœtus , mole major , emortuus ; sordes non expurgatæ ; syncope ; hæmorrhagia ; convulsiones ; hernia , imprimis exomphalos ; placentula intimè coalita &c. quàm celerimè igitur hæc quæquæ discutiat solers Chirurgus ; ideo os uteri si dilatent digiti , crebriores suscitabunt dolores ; firmiores membranæ unguibus discerpendæ ; oleo butyro , Balneis

callosæ relaxentur uteri fibræ; os coccygis, in his angustis, tenaciter retrudatur (a); sanguinis missio, scarificationes ecchymosi, ædemati adveniant; in hydropico foetû aquarum fluxus unco properandus; catheteris & enematum ope sordes expellendæ; syncope volatilibus, cardiacis, convulsiones, hæmorrhagia festinato partu sublevantur; hernia manibus firmiter superimpositis coarceatur; placenta denique ab utero digitis cautissimè avellenda, foras educenda.

Quæ partûs primaria causa, inter se dissentiunt autores: à motibus infantis quidam partûs repetunt stimulos (b). Quidam ab excrementorum pondere, acrimoniâ (c); alii ex respirationis, ex alimentî defectû: at immeritò; has enim causas iussufficienter abrogant gemelli, moles & quævis corpora, in utero contenta. Ab uteri actione repetenda igitur primaria partûs causa; primus agit, solus concutit uterus.

SANGUINE & humoribus turgentia post partum uteri vasa, hiantia sanguinem purum, multum fundunt: verum corrugatis uterî fibris, coarctantur illorum oscula; liquidum tunc dilutum, serosum, tandem viscidum & pallidum (lochiorum nomine) per plurimos dies expellunt: lochiorum quantitatis, consistentiæ, odoris, à puerperæ plethorâ, diathesi, victû repetendum discrimen.

E x tractû, directione, capacitate vasorum diverâ lochiorum & lactis desumitur disparitas nam sistente lochiorum fluxû, mox intument tubuli lactiferi, quibus depressis lochia abundantiora defluunt: lactis itaque & lochiorum homogenea materies cum sanguine vehitur & ab ipso secernitur. Dein quare tribus ut plurimum à partû diebus hoc ad mammas ubertim appulsus? Quare tum puerperæ febris lactea dicta? Lactis cui idem sapor, odor, vires assumptorum? Clarissimè patet (d).

(a) Conf. Deventer nov. lum. obst. de Partû difficili Ex pravâ pelvis formâ Cap. XXVII.

(b) Diff. Anat. Raymundi Vieussens de structurâ & usû uteri & placent, mul. Art. XXVI. Philip. Verheyen suppl. Anat. Traç. V. Cap. XXIII. de partû nat. ejusque causis.

(c) Drelincurtius de concept. parte alterâ, perioche L X. Hermannus Boerhaavius Instit. Med. de Concept. §. 685.

(d) Vid. Hermannii Boerhaavii instit. Med. de Conceptû §. 687. pag. 354.

*Has positiones, DEO JUVANTE, & præfide M. LUDOVICO-JOSEPHO DE LA ROCHE, Artium & Chirurgiæ Magistro, tueri conabitur GASPARD THEVENOT, Augustodunensis, Artium Liberalium Magister.*

P A R I S I I S ;

IN REGIIS CHIRURGORUM SCHOLIS ;  
*Die 19<sup>a</sup> Septembris, anno 1752. à sesqui-secundâ post  
 meridiem ad Septimam.*

PRO ACTU PUBLICO  
 ET  
 MAGISTERII LAUREÆ

---

Typis DELAGUETTE, Regii Chirurg. Collegii  
 Typographi. 1752.